



Broj: 16-12-16-6000- *10* /24  
I. Sarajevo, *17* .10.2024. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), člana 7. stav (5) Pravilnika o uslovima i načinu korištenja e-aukcije („Službeni glasnik BiH“, broj 80/23) i Izvještaja o toku i završetku e-aukcije od 07.10.2024. godine, na preporuku Komisije za provođenje postupka nabavke za potrebe Državne agencije za istrage i zaštitu u 2024. godini broj 16-12-16-6000/24 od 15.10.2024. godine, u postupku javne nabavke usluga nadzora građevinskih radova na izgradnji Baze za smještaj i obuku Jedinice za specijalnu podršku Državne agencije za istrage i zaštitu - I faza, direktor Državne agencije za istrage i zaštitu, d o n o s i

### **ODLUKU**

o izboru najpovoljnijeg ponuđača u postupku javne nabavke usluga nadzora građevinskih radova na izgradnji Baze za smještaj i obuku Jedinice za specijalnu podršku Državne agencije za istrage i zaštitu - I faza

#### Član 1.

U postupku javne nabavke usluga nadzora građevinskih radova na izgradnji Baze za smještaj i obuku Jedinice za specijalnu podršku Državne agencije za istrage i zaštitu - I faza, putem otvorenog postupka za dostavljanje ponuda, korištenjem e-aukcije, na preporuku Komisije za provođenje postupka nabavke za potrebe Državne agencije za istrage i zaštitu u 2024. godini broj 16-12-16-6000/24 od 15.10.2024. godine, ugovor se dodjeljuje ponuđaču „СРК“ d.o.o. Banja Luka, ponuda broj 16-12-16-6000-7/24 od 17.09.2024. godine, za ponuđenu cijenu od 48.000,00 KM, umanjenu prema rezultatu e-aukcije.

#### Član 2.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

#### Član 3.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

#### Član 4.

Ova odluka stupa na snagu danom donošenja.

## O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija), broj 16-12-16-6000-1/24 od 13.08.2024. godine, pokrenut je postupak javne nabavke usluga nadzora građevinskih radova na izgradnji Baze za smještaj i obuku Jedinice za specijalnu podršku Državne agencije za istrage i zaštitu - I faza, procijenjene vrijednosti 150.000,00 KM bez uračunatog PDV-a, za koji je obavještenje o javnoj nabavci broj 1161-1-2-205-3-68/24 objavljeno na Portalu javnih nabavki 21.08.2024. godine i „Službenom glasniku BiH“, broj 59/24 od 30.08.2024. godine. Novčana sredstva za realizaciju navedene nabavke obezbijedena su na osnovu Odluke o odobravanju „Projekta izgradnje baze za smještaj i obuku Jedinice za specijalnu podršku Državne agencije za istrage i zaštitu“ koji će se uvrstiti u program višegodišnjih kapitalnih ulaganja za period 2012.-2016. godine („Službeni glasnik BiH“, broj 8/13) i Zakona o budžetu institucija Bosne i Hercegovine i međunarodnih obaveza Bosne i Hercegovine za 2024. godinu („Službeni glasnik BiH“, broj 50/24). Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 80/23) (u daljem tekstu: Pravilnik). Ugovor se po okončanju e-aukcije dodjeljuje ponuđaču koji je na kraju e-aukcije imao najpovoljniju ponudu.

Obzirom da je tačkom 25. Tenderske dokumentacije navedeno da je rok za dostavljanje ponuda 17.09.2024. godine do 12:00 sati, te da se ponude dostavljaju u zatvorenoj koverti, Komisija je dana 17.09.2024. godine u 13:00 sati izvršila javno otvaranje ponuda prema datumu i vremenu prijema, numerišući kovertu, te je konstatovala da je u ostavljenom roku pristiglo pet ponuda na Pisarnicu Agencije. Nakon toga se pristupilo otvaranju ponuda prema utvrđenom redoslijedu:

R.br.	Broj protokola	Naziv ponuđača	Datum i sat prijema ponuda
1.	16-12-16-6000-4/24	Konzorcij ponuđača: „Ipsa institut“ d.o.o. Sarajevo (nosilac) „IGH“ d.o.o. Mostar (član)	16.09.2024. godine u 09:49 h
2.	16-12-16-6000-5/24	Konzorcij ponuđača: „Plan“ d.o.o. Banja Luka (nosilac) „Gim-test“ d.o.o. Banja Luka (član)	16.09.2024. godine u 12:39 h
3.	16-12-16-6000-6/24	Konzorcij ponuđača: „Urbis Centar“ d.o.o. Banja Luka (nosilac) „Mides“ d.o.o. Banja Luka (član)	17.09.2024. godine u 10:24 h
4.	16-12-16-6000-7/24	„CPK“ d.o.o. Banja Luka	17.09.2024. godine u 11:23 h
5.	16-12-16-6000-8/24	„Institut za građevinarstvo „IG“ d.o.o. Banja Luka	17.09.2024. godine u 11:24 h

R.br.	Naziv ponuđača	Ponuđena cijena u KM (bez PDV-a)
1.	Konzorcij ponuđača: „Ipsa institut” d.o.o. Sarajevo (nosilac) „IGH” d.o.o. Mostar (član)	150.000,00
2.	Konzorcij ponuđača: „Plan” d.o.o. Banja Luka (nosilac) „Gim-test” d.o.o. Banja Luka (član)	149.000,00
3.	Konzorcij ponuđača: „Urbis Centar” d.o.o. Banja Luka (nosilac) „Mides” d.o.o. Banja Luka (član)	150.000,00
4.	„CPK” d.o.o. Banja Luka	149.900,00
5.	„Institut za građevinarstvo „IG” d.o.o. Banja Luka	150.000,00

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14, 59/22 i 50/24) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja prihvatljivosti dostavljenih ponuda u smislu Pravilnika, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da su ponude Konzorcija ponuđača: „Ipsa institut” d.o.o. Sarajevo (nosilac) i „IGH” d.o.o. Mostar (član), Konzorcija ponuđača: „Plan” d.o.o. Banja Luka (nosilac) i „Gim-test” d.o.o. Banja Luka (član), ponuđača „CPK” d.o.o. Banja Luka i ponuđača „Institut za građevinarstvo „IG” d.o.o. Banja Luka, prihvatljive odnosno ispunjavaju kvalifikacione uslove u pogledu dokazivanja lične sposobnosti (član 45. Zakona), sposobnosti obavljanja profesionalne djelatnosti (član 46. Zakona), ekonomske i finansijske sposobnosti (član 47. Zakona) i tehničke i profesionalne sposobnosti (član 51. Zakona), kao i formalno-pravne uslove iz Tenderske dokumentacije.

Komisija je utvrdila da je ponuda Konzorcija ponuđača: „Urbis Centar” d.o.o. Banja Luka (nosilac) i „Mides” d.o.o. Banja Luka (član) neprihvatljiva, odnosno ne ispunjava kvalifikacione uslove iz tačke 12.3.1.d Tenderske dokumentacije – Tehnička i profesionalna sposobnost (član 51. Zakona).

Tačkom 12.3.1 d) Tenderske dokumentacije – Tehnička i profesionalna sposobnost, član 51. Zakona, propisano je da ponuđač treba da ispunjava sljedeće uslove i to:

- da posjeduje, odnosno da ima na raspolaganju, za vrijeme trajanja ugovora laboratoriju za akreditovane metode ispitivanja materijala:

<b><i>Svjež beton</i></b>	<b><i>Ispitivanje svježeg betona – Dio 2: Ispitivanje slijeganja</i></b>	<b>BAS EN 12350-2:2023</b>
<b><i>Očvršli beton</i></b>	<b><i>Ispitivanje očvrsllog betona – Dio 2: Pravljenje i lagerovanje probnih uzroka za ispitivanje očvrsllog betona</i></b>	<b>BAS EN 12390-2:2020</b>
	<b><i>Ispitivanje svježeg betona – Dio 3: Čvrstoća na Ispitivanje slijeganja</i></b>	<b>BAS EN 12390-3:2020</b>

Uvidom u ponudu Konzorcija ponuđača: „Urbis Centar“ d.o.o. Banja Luka (nosilac) i „Mides“ d.o.o. Banja Luka (član), Komisija je utvrdila da se „Mides“ d.o.o. Banja Luka kao član Konzorcija ponuđača: „Urbis Centar“ d.o.o. Banja Luka (nosilac), dana 06.09.2024. godine, ugovornom organu putem Portala javnih nabavki Agencije za javne nabavke obratio sa pitanjem koje glasi:

„Da li će za ugovorni organ biti prihvatljivo dostavljanje izjave akreditovane laboratorije i dostavljanje dokaza o akreditaciji, ukoliko je sjedište akreditovane laboratorije izvan Bosne i Hercegovine, a da ista ispunjava sve uslove koji su zahtjevani tačkom 12.3.1.d) i 12.3.2. d) Tenderske dokumentacije, u zemlji u kojoj je registrovana i akreditovana.

U vezi sa postavljenim pitanjem, ugovorni organ je dostavio odgovor u kojem je naveo slijedeće: „Tenderskom dokumentacijom se jasno navode metode ispitivanja:

- Svjež beton, Ispitivanje svježeg betona – Dio 2: Ispitivanje slijeganje BAS EN 12350-2:2023
- Očvršli beton, Ispitivanje očvrsllog betona – Dio 2: Pravljenje i lagerovanje probnih uzoraka za ispitivanje očvrsllog betona BAS EN 12390-2-2020 i Ispitivanje očvrsllog betona – Dio 3: Pravljenje i lagerovane probnih uzoraka za ispitivanje očvrsllog betona BAS EN 12390-2-2020. Kao dokaz o ispunjavanju uslova iz Tenderske dokumentacije prihvata se samo dodatak o akreditaciji koji jasno pokazuje da ponuđač u svom opsegu akreditacije posjeduje, odnosno ima na raspolaganju akreditovane tražene metode.

Uvidom u ponudu Konzorcija ponuđača: „Urbis Centar“ d.o.o. Banja Luka (nosilac) i „Mides“ d.o.o. Banja Luka (član), Komisija je utvrdila da je Građevinski institut Makedonija a.d. Skoplje, kojeg zastupa Vlatko Ivanov, generalni direktor društva, sa sjedištem u Skoplju dao Izjavu broj 0307-7/87 od 13.09.2024. godine, u kojoj je naveo da pod punom materijalnom i krivičnom odgovornošću izjavljuje da posjeduje laboratoriju za akreditovane metode ispitivanja (MK EN 12350-2:2023; MK EN 12390-2:2020; MK EN 12390-3:2020), koja se zahtjeva tačkom 12.3.1 d) Tenderske dokumentacije br. 16-12-16-6000-2/24 od 20.08.2024. godine, te da istu, u slučaju potpisa ugovora, stavlja na raspolaganje Grupi ponuđača: „Urbis Centar“ d.o.o. Banja Luka (nosilac) i „Mides“ d.o.o. Banja Luka (član). Međutim, uvidom u dokaze o akreditaciji laboratorije i to: Sertifikat za Akreditaciju Br. LT-014 Građevinski institut Skoplje Laboratorija za ispitivanje građevinskog materijala i Prilog sertifikatu o akreditaciji laboratorije za ispitivanje, utvrđeno je da navedeni institut ne posjeduje tražene certifikate kako je traženo Tenderskom dokumentacijom i to:

<b><i>Svjež beton</i></b>	<b><i>Ispitivanje svježeg betona – Dio 2: Ispitivanje slijeganja</i></b>	<b>BAS EN 12350-2:2023</b>
<b><i>Očvršli beton</i></b>	<b><i>Ispitivanje očvrsllog betona – Dio 2: Pravljenje i lagerovanje probnih uzroka za ispitivanje očvrsllog betona</i></b>	<b>BAS EN 12390-2:2020</b>
	<b><i>Ispitivanje svježeg betona – Dio 3: Čvrstoća na Ispitivanje slijeganja</i></b>	<b>BAS EN 12390-3:2020</b>

Imajući u vidu naprijed navedeno, Komisija ponudu Konzorcija ponuđača „Urbis Centar“ d.o.o. Banja Luka (nosilac) i „Mides“ d.o.o. Banja Luka (član), nije uzela u dalje razmatranje.

Obzirom da je Tenderskom dokumentacijom za postupak javne nabavke usluga nadzora građevinskih radova na izgradnji Baze za smještaj i obuku Jedinice za specijalnu podršku Državne agencije za istrage i zaštitu – I faza, predviđeno provođenje e-aukcije u skladu sa Pravilnikom, Komisija je zakazala e-aukciju za dan 07.10.2024. godine u 12:00 sati u trajanju od 30 minuta i prijavila za učestvovanje četiri akreditovana ponuđača i to:

- Konzorcij ponuđača: „Ipsa institut” d.o.o. Sarajevo (nosilac) i „IGH” d.o.o. Mostar (član), ponuđena cijena u iznosu od 150.000,00 KM bez uračunatog PDV-a;
- Konzorcij ponuđača: „Plan“ d.o.o. Banja Luka (nosilac) i „Gim-test” d.o.o. Banja Luka (član), ponuđena cijena u iznosu od 149.000,00 KM bez uračunatog PDV-a;
- Ponuđač „CPK” d.o.o. Banja Luka, ponuđena cijena u iznosu od 149.900,00 KM bez uračunatog PDV-a;
- Ponuđač „Institut za građevinarstvo „IG” d.o.o. Banja Luka, ponuđena cijena u iznosu od 150.000,00 KM bez uračunatog PDV-a.

Prema Izvještaju o toku i završetku e-aukcije od 07.10.2024. godine, Komisija je sačinila konačnu rang listu ponuđača koji su učestvovali u postupku e-aukcije, kako slijedi:

Redni broj	Naziv ponuđača	Konačna cijena u KM bez PDV-a	Umanjenje cijene	Rang
1.	„CPK” d.o.o. Banja Luka	48.000,00 KM	67,98%	1
2.	Konzorcij ponuđača: „Ipsa institut” d.o.o. Sarajevo (nosilac) „IGH” d.o.o. Mostar (član)	48.500,00 KM	67,67%	2
3.	Konzorcij ponuđača: „Plan” d.o.o. Banja Luka (nosilac) „Gim-test” d.o.o. Banja Luka (član)	50.999,00 KM	65,77%	3
4.	„Institut za građevinarstvo „IG” d.o.o. Banja Luka	148.599,99 KM	0,93%	4

Shodno Izvještaju o toku i završetku e-aukcije od 07.10.2024. godine, Komisija je utvrdila da je ponuda ponuđača „CPK” d.o.o. Banja Luka ocijenjena kao najpovoljnija ponuda, te da ne premašuje procijenjenu vrijednost javne nabavke.

Cijeneći naprijed navedeno, prihvaćena je preporuka iz Izvještaja o radu Komisije, te je odlučeno da se u postupku javne nabavke usluga nadzora građevinskih radova na izgradnji Baze za smještaj i obuku Jedinice za specijalnu podršku Državne agencije za istrage i zaštitu – I faza, ugovor dodjeli ponuđaču „CPK” d.o.o. Banja Luka, kako je navedeno u članu 1. ove odluke.

**Pouka o pravnom lijeku:** Protiv ove odluke može se izjaviti žalba Kancelariji za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima x4;
- Sektoru za mat.-fin. poslove;
- a/a.

  
 DIREKTOR  
 GLAVNI GENERALNI INSPEKTOR POLICIJE  
 Darko Čulum